

南山外集

詩

二

番外書冊

			二六四一八	和書門
		七四函	號	
四冊	六架			

庫文閣内			
二六四一八	和書		
七四函	號		
四冊			

詩集

内閣文庫			
番號	和	26418	
冊數	4	(2)	
函號	206	379	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



南山外集卷之三

淺草文庫

仙臺 釋古梁 紹岷 著 侍者 慧璘 慧璵 錄

七言律

別院閑寓 山 獨往乘閑不厭賒。城頭一路入桑麻。郊居作賦裁雌
霓。江館揮毫映綺霞。已見畦蔬經雨長。且憐徑竹受
風斜。深秋却恐重來日。白露蕭蕭蘆荻花。

次涌谷公子月夜閑亭讀書之韻

高樓卜夜倚崇阿。聞說讀書幽趣多。月下遙知人似

南山外集 卷之三 釋明

玉世間何羨酒如河。桂花臨座飄秋氣。漢影當軒揚
素波。自是妙年嘉賞富。從他時序此中過。

悼柳齋翁

七十人間生是涯。更加數歲亦何嗟。天真妙理寧憑
酒。澹泊風流但愛茶。金匱猶餘丹液藥。靈牀空薦綠
沈氈。平來為灑山陽淚。鄰笛蕭蕭落日斜。

早春寄懷木善民

一卧盤山阻詠言。巖城勝槩夢中存。淡雲香雨梅花
屋。殘雪緒風楊柳門。孤賞祇應吟夜月。清狂誰與倒
春樽。投閑儻草歸田錄。更對何人細討論。

癸亥季夏偶感

歲序流轉忽似類。揮戈白日不曾回。塵中經卷無人
割。芥裏乾坤漫自開。愛月將尋伐柯斧。惜花誰築避
風臺。郢書燕說渾魔事。綠水青山歸去來。

壽某母六十

韶年芳樹擁階除。華甲方週泚景初。未廢青灯中夜
績。寧勞白版暮年輿。北堂葭草花相映。東海蟠桃玉
不如。簾外尚餘春雪色。何曾容易上晨梳。

寄題白河大夫告邨君別莊湖月亭

數里郊莊好往還。承恩下築隔城闌。湖田溉遍灣灣

水沃野平分壘壘山。彩筆揮時雲落席。瑤簫弄處月
臨關。何須心事既高尚。官跡遊蹤共是閑。

寄題水府岡野君逢原堂

民情公事不相侵。政簡高堂晝鼓琴。筑岳朝雲輕世
態。仙坡秋水照幽襟。風搖窗竹影明翳。月上庭梅香
淺深。茂宰舊通真宰意。肯將官跡問浮沈。

探梅

問訊梅花三里程。水南林北且閑行。半溪纔認橫斜
影。一樹相憐冷淡情。竹外孤芳鼎遠意。雪餘寒艷訂
清盟。報君皎皎在空谷。莫逐春風入笛聲。

謝筑前龜井元鳳見寄懷

西望春雲碣石天。美人誰與共周旋。興來應舉豪餘
白。書就寧嘲草後玄。千古文章尚今日。一堂談笑在
何年。豈知變調時流外。海表殊傳大雅篇。

武夷服季璋千里來訪喜而賦示兼懷陰文熙
音書十歲各茫茫。千里何圖會異鄉。松島煙波身跡
遠。武夷雲月夢魂長。然燈影冷三更雨。促漏聲沈一
室香。為報少陵詩伯道。佳篇適寄贊公房。

丁卯午日口號時病起

庭院蔥蒨草樹清。開門朝氣靜山城。日逢午日身方

健花到榴花眼更明。梅雨蒲風歲時色。蘭湯藥醕古
今情。閒生未免人間禮。且著絺衣起送迎。

題富山絕壁

高攀鳥道陟嵌巉。山頂班荆倚老杉。海運潮光搖島
嶼。天低雨色壓檣帆。清風能自洗心目。勝境頓知冥
聖氏。更欲揮毫題絕壁。巨靈鼉肩捧層巖。

武溪服季璋去秋來訪既歸有書詩之贈因和

以為謝

憶裁詞賦對清宵。別後朱絃獨自調。千里春星憐聚
散。孤樓夜月照蕭條。天涯屈指交游少。海內論心書

素遙。淒斷東風一條夢。吟魂猶有美人招。

夏日過某大夫山莊

輕裝暇日問幽莊。背郭寫田紆路長。新樹蔥蒨圍邃
館。漫流宛轉入迴塘。薰風十里蓮華府。夜月千山杜
宇鄉。孤興懷人題不得。藤蘿石上坐清涼。

過蘆東山舊居

先生隱跡小園丘。古木蕭條見道尊。經藝已無及門
客。箕裘能有保家孫。名山不朽藏書處。舊植依然遺
愛存。杜宇薰風聲太急。縱非鄰笛亦消魂。

悼栗定安

南山人集 卷之三 四

志業青衿最出倫。從游中道惜湮淪。尋常欲搜芸臺
 祕。三尺俄封蓬顆塵。哀壑雲移舟跡暗。舊廬風咽笛
 聲新。蒼茫神理誰能識。但壽才名不壽人。
 悼川子德子德戍邊既而疾還終于逆旅
 憶昨春風紫繡鞵。背花向雪戍東邊。本知忼慨拋生
 出。何計龍鍾輿病旋。玉樹不埋窮髮地。瑤星終隕故
 園天。孤忠報國魂安在。夜月蒼茫映杜鵑。

新秋漫興

雙鬢西風白葛巾。虛欄又覺早涼新。青山萬里無生
 面。明月千秋是故人。一壑層陰斂清梵。半窗空翠浥

游塵。遠遶身世渾閑事。唯有燈檠坐可親。

雙忠廟

虜氛日夜擁孤城。恨殺臨淮徒勒兵。勢盛從容甘就
 死。感窮忼慨孰求生。一盤芳饗恩情斷。張巡殺愛妾以饗士卒
 十日厲魂冤氣平。城將陷巡西向再拜曰臣生無報國死當為厲鬼以殺賊城陷十日
而賊兩勇同歸遺廟地。并傳千古不刊名。

同登南屏朝陽岡。時諸子撥琵琶吹笛飄飄有
 想

木葉蕭疎山色明。憑高直北俯江城。蒼苔授榻傳瓢
 杓。碧澗烹泉分野羹。龍管霜寒三弄晚。鷓絃風雜九

秋聲共懷天際真人意。落帽何論昏醉情。
 水滸歲晚卧龍亭集。忽忙人事屬年闌。偶為幽期出竹關。寒谷陰陽窮已
 變。詞場歲月迫逾閑。郊園愛日梅墻外。遠樹輕煙雪
 岫間。暖氣寧論吹律力。一樽春色上酡顏。
 十日歲晚大疑上人至阻雨
 霜林短景樹摧殘。邂逅風流即罄歡。幽興入詩秋意
 靜。微談促席雨聲寒。泥途已輟城中約。案坐俱憐室
 裏安。酣對無人驚午席。數鴻嘹唳過雲端。

寄滕冲卿

巾車東去隔匡廬。秋老紫桑興不踈。聞道白衣能載
 酒。遙知黃菊且充蔬。詩中真趣忘言後。絃上希音寄
 傲餘。儻向東林思舊社。飄然好為問山間。

光明精舍集

春來良會日相望。寶界愈知滌景長。郊草已含社前
 色。林花半借室中香。幽禽機靜迎行樂。騷客言稀似
 坐忘。前賞回頭猶眷戀。餘歡重此喜徊翔。
 芳子徽喪弟賦此寄慰
 黯澹重陰暗晚樓。聞君急難謝交游。風流人去孤琴
 絕。雨雪天寒斷雁愁。室裏芝蘭香半歇。階前棠棣色

先是三日集泰心院

偏留池塘縱入臨川夢。衰草蕭蕭不可求。

歲物天涯驚急景。樓臺郊外倚寒霄。孤生未覺新陽

動。萬事纔知故態消。夜靜朔風侵戶隙。更深落雪響

林標。梅花何處傳春信。千里江南入夢遙。

訪松音方丈席上時師有公命

法幢多歲卓雄藩。遊化歸來道更尊。地是聯芳傳祖

席。山分喬木似仙園。芝蘭原據曇華室。宗說兼通甘

露門。別有當年紫石契。誰知目擊妙猷存。聯芳地名

立春偶興

青郊雲樹帶朝暉。已見韶光靄翠微。林塢風輕梅色

動。堦庭雪盡草魂歸。自知幽谷縣蠻早。何管衡門剝

啄稀。好是陽和不相隔。山窗遲景對忘機。

寄滕冲卿

索居新歲感嚶鳴。相憶無由求友生。玄藻青山沈舊

彩。未絃流水入稀聲。孤懷高據論文地。竒跡漫勞命

駕情。百里客星空隱見。清暉早晚映春城。

丹子真解官家居賦此寄慰

獻歲懸知幽趣新。君恩重理舊綸巾。炎涼莫問門前

客。書劍依然卧裏春。遲景祇應供著述。壯年何必老

南

山

外

集

卷

三

風塵。南山明媚花期近。幾日高歌披翠榛。

煙霞又見鹿門春。門外青山欲笑人。古澗冰消魚影

靜。陽巖花發鳥聲新。送僧重動江湖興。對客猶誇土

木身。落日輕風紫院窳。曾遊遙憶洛城塵。

放鶴

霜毛楚楚倚階前。飲啄堪憐馴養年。一舉青冥遙嘹

唳。三山碧海任盤旋。幽姿終阻閑中伴。哀操猶留別

後絃。松月竹風思汝夜。好迎清夢到芝田。

中秋前一夕集滕白華宅

城南灑氣映松蘿。此夕幽期乘興過。詩就秋聲金石

響。情寬月色爽涼多。窗前玉露溥初滴。雁外銀潢淨

欲波。不用停歡寄明夜。陰晴世上易蹉跎。

送櫻子行發仙臺暫歸東都遂之江中

使臣兼試舊風流。道自仙臺向上游。琴酒論交過燕

市。山川引興近皇州。岳雲長護千年寺。湖月依然八

詠樓。文思更添古都感。尚餘王氣蔚清秋。

勝畫樓 在鹽浦

鳴嶼為籬巖作屏。高樓縹緲俯滄溟。雲霞日落千山

紫。天地潮來雙眼青。極浦風煙生遠思。神壇鐘鼓入

南

山

外

集

卷之三

翠洲山房

清聽一從鐵塔開幽鍵。長與龍宮占秘靈。

迹禮松島觀音道場

悲願俯憐人世艱。靈場為闢碧孱顏。隨緣不鎖圓通界。與樂迹遊海嶽間。風靜衆聲歸淨域。月明千影散塵寰。聞脩何厭涉階級。三十三宮次第攀。

嘯詠館示主人

巖城鐘鼓彩雲閒。退食委蛇高館閑。方外交遊迎碧眼。樽前歲月過酡顏。風篁晝靜歌淇澳。叢桂秋寒憶小山。興劇何妨及昏黑。祇林好共宿禽還。

悼瑞林老師

空門藻黻主宗盟。長為斯文惜老成。不是衆哀依有漏。終教千偈入無聲。龍蛇歲感揮毫色。弟子誰傳豎拂名。一慟何知天末淚。秋風灑向武昌城。

掬水月在手

金塘澈灩片塵無。千頃空明蟾影孤。波靜馮夷依灑宇。涼來玉兔躍冰壺。握中繞腕新秋扇。掌上堪持不夜珠。更逐清光青翰舫。不知白露溼羅襦。

弄花香滿衣

上苑春光映艷陽。芬葩却愧紫羅囊。攀來飛雪飄幽馥。折去迴風惜嫵芳。荀令座中何用佩。韓郎袖裏竟

南山人集 卷之三
難蔽餘薰偏藤輕裘客林外遊螽逐鷓鴣

觀獵

候曉元戎轉廣阡。千乘羽騎總翩翩。周陸竟野砲聲
振。甲帳圍山戟影連。飛雪繽紛盤馬地。寒雲掩映射
鷗天。原知遊豫思民恤。不是從禽捐盛年。

寄懷濟松和尚

孤詠臨風託所思。牛門一絕杳無期。自知書信關河
阻。不為梅花雨雪遲。白社論文餘各夢。青山斂跡謝
羣疑。飛垂俱是逍遙足。寧向雲霄問羽儀。

冬日書懷

凋年牢落掩孤樓。寒氣聊裁吉貝裘。鷺窟風音傳絕
節。嵩巔雪色想玄猷。青天未見是非月。綠水依然今
古流。久挂凌雲般若杖。繫匏自愧擬淹留。
是非月
楞嚴經

至後南屏小集同源太素賦

禪餘遊賞慰離羣。愛日初長好會文。北陸窮陰微雪
後。南郊佳氣一陽分。靄然詩思隨仙律。璨爾才華占
瑞雲。典劇不知林景暝。溪橋寒月更留君。

瑞雲東都瀧川長州玉芝園集諸子各有寄懷之作
南公因次各韻却謝

懸識高堂赤水潺。何人載酒日追尋。煙霞半世憐棲

息賦筆頻年隔盍簪。為是青樽開北海。便看白社寄南金。仙臺縱有新知樂。却憶交情舊雨深。右田耕明

誰道青山隔舊朋。名都信息尚相仍。三生幽夢中峰月。千里鄉心殘夜燈。湖海吾曹終汗漫。文章君自欲飛騰。清時莫說抽簪意。鄴下人才日蔚興。右岳子蕩

宋雷消息久浮沈。高會寥寥成古今。矯首少微雲甸遠。懷人雨雪海門陰。守中憑榻玄亭靜。引滿開尊赤水深。圖畫平生足濟勝。懸知千里卧遊心。右邊廷暉

次韻謝寶林鼎湖師
來詩中穆通經峰建碑事故末句及之

老禪矍鑠異尋常。遙望高蹤負郭莊。南岳煙霞圍偃

卧寶林竹樹隔。回翔滄泔安分魚千里。竿木隨身戲一場。縱是山靈待碑頌。匪才未必應文昌。

詠月中桂

玉宇盤根託素輝。廣寒宮裏自芳菲。幹臨黃道星河映。影拂仙槁烏鵲飛。清露滴餘千古蔭。天香携滿六銖衣。一枝縱與人間見。誰向雲霄折得歸。

呈大典禪師

京華名剎切宸居。四衆趨風開士廬。慧業紛綸千部論。淵才旁魄五明書。關中文物歸僧鳳。濟北典型瞻瞎驢。安得東藩傳寶偈。仙臺春色映瓊琚。

滕子英進職賦此寄賀
藉藉才名滿士林。芸牕歲月下幃深。家聲難避彈冠
地主遇終鼎抱璞心。方外佳期憐契濶。署中官跡隔
招尋。懸知國用闕幽筭。夜夜牙籌燭影沈。

送諦公暫還鄉

春風倚策下南臺。歸興浩然行色開。據室未舒窮相
手。牽衣難駐不羈才。已看百廢因君舉。且待三秋為
我回。不用岐言託文藻。幽懷牢落豈堪裁。

答物先老師

師近患眼

鴻書遠落杳冥間。掃几焚香仰老顏。書裏光雲金藏

果。夢中明月馬陵山。降魔傳檄歸真化。呵佛當機掩
古關。聞道青蓮春帶繫。何妨碧電照塵寰。

和大疑上人韻

南峰爽氣籠孤樓。百里逢迎喜勝遊。露滴高軒空翠
落。雲歸別壑晚虹收。香袍携至名山色。屣藻爭裁玉
宇秋。世上炎涼都不問。誰知蘭若有風流。

次韻答寄源太素

香械新裁舊薜蘿。清秋官跡定如何。嚴城樓閣炎威
近。背郭林塘爽氣多。堪謝交情憐痲茂。漫留詩興待
來過。風流不隔功名地。莫為青雲忘眇柯。

客裏風煙幾歲華。悠悠業跡與心差。香南雪北春方
遍。地角天涯人自遐。萬仞芙蓉違宿志。半生日月過
長嗟。回頭堪想曾遊地。關月渚雲開士家。

丁巳早春

去冬晁某移其別業為余書院

祇林宿雪照松關。蕭宇春回身更閑。望外忽移長者
宅。卧邊新對少文山。東風有意時相問。流水無心且
自還。笑見同叅紫藤杖。遊情早已促躋攀。

長者宅即祇園

丁巳人日

玉燭遙知映鳳臺。堯階初葉七莢開。上年已過牛羊

日。聖世偏慚犬馬才。道泰便看盈尺雪。春寒纔放數
枝梅。南山蘭若投微跡。且把醍醐擬壽盃。

悼清見和尚

憶昨淹留倚駮臺。忽傳叢社失龍媒。曾知丘壑投閑
日。未倦津梁濟世才。往跡蕭騷感今古。遺編卓落鼓
風雷。誰言神化他方遠。霜月照人千里開。

松島泛舟遇雨

松島煙波碧海流。瑞巖東畔命輕舟。潮通韎鞞三千
里。雲接蓬萊七十洲。一洗身心皆似水。平分世界總
如浮。薰風忽送他山雨。隔岸樓臺鎖暮愁。

秋日泛舟自大澤到松島
巖樹高低皆梵宮。江山歷落畫圖中。渚田秋靜青身
雨。水榭寒生紫蓼風。鐘鼓祇疑三竺接。煙波莫與十
洲通。樓樓待月騷遊客。吟倚欄干送暮鴻。

寄聞中上人

十歲儵然寂莫濱。乾衣一繫錫無神。未呈寶鑑臺前
影。已是白毫光裏人。關外幽居違勝侶。中原舊社阻
芳塵。夢王千里堪為价。白月清風夜夜新。

荅遲月上人

身跡東西兩杳然。浮雲流水各隨緣。交遊夜月千餘

里。契濶秋風三四年。詩信倉皇難屬思。傳聲繾綣喜
將顛。仙臺舊社君休問。無恙清狂文字禪。

甲子星夕

山郭初涼爽氣流。誰臨晚景賦新愁。天清鵲影遵銀
渚。人靜蟲聲近石樓。象外香燈雙樹夜。世間風露九
歌秋。蕉衫漸覺宵分冷。徒倚欄干望女牛。

乙丑中秋雨至

更開朗如晝喜而賦此
層陰臨夕暗城頭。三五佳期多少愁。天意晴懸二更
月。世情猶倚萬家樓。山河影外將無夜。風露人間別
有秋。移榻中宵何用寢。浮雲變態劇悠悠。

登富山

松洲興盡未云歸。更上富山俯翠微。列嶂蒼茫籠宿霧。春潮蕩漾盪朝暉。數帆接影霞間出。羣鳥如塵鏡裏飛。清世無人蹈東海。臨風絕頂振征衣。

過前大夫芝多氏別莊

不是甘從廉豕群。功成幽築避囂氛。門前溝洫通河水。階外松筠引野雲。僮僕能栽元亮秫。兒孫皆誦仲長文。更知教育暮年樂。書劍討論環隱居。

曉發仙臺到安內驛

送天英法弟遊松島

郊天赴月意淒淒。送客偶過莽蒼西。百步霜橋千跡

馬。數家煙店五更雞。轆轤伊軋人初起。阡陌微茫路尚迷。換得嘔啞城市響。立聞亂水落幽溪。

丙寅早春

寒雲尚擁小崔嵬。物候斬新年自回。鄉飲已遭鶯友喚。野游方被雉媒催。半牕梅影朝陽下。一徑草心殘雪隈。舊歲靜思摠陳跡。熙熙少長醉春臺。

寄懷藤豐澤

郊關近接杜陵城。猶是春雲數日程。冠蓋相望行李信。夢魂難託贈梅情。墨池無恙顛長史。白眼依然醉步兵。安得交游會芳節。花前柳外問鶯盟。

席上和川子德偶興韻

桃郊李郭勝遊初。佳興春深詞客居。賦詠祇應供雅賞。交游何必問時譽。濯毫澄水添蝌斗。散袞晴窗驅蠹魚。高會不須負芳節。已看花影上階除。

偶感

留連水力與風緣。任運騰騰密自遷。濁世寧無無相佛。清虛何有有錢仙。對機每愧牛羊眼。閱事空加犬馬年。非幻法中幻王國。斗來茅宇足安眠。羅什人孫無相好佛

夏日遊友人郊莊途中作

郊南別墅出城偏。涉水穿林去杳然。負郭人家老蠶

雨。連山雲樹子規天。一行野服叟汗背。數袞輕齋童赭肩。幽事閒情且清境。煙霞又結半生緣。

夏日偶興

一向青山策懶勛。山靈不復勒移文。泛溪松粉波生暈。當筵橘花風遞薰。彩筆漫勞空裏畫。寶臺未現鉢中雲。多慚水響柯音句。錯託遊人城裏聞。十地經文字喻空中

畫○唐法照國師一日於益中觀五色雲有梵刹池臺樓觀萬菩薩雜處其上後詣五臺山山川面勢皆如益中所見

宴古內大夫園庭

高臺移座撤簾幃。夏物清涼對翠微。詩就彩毫揚麗

藻。談闌玉屑散香霏。葱籠煙樹群峰映。澹蕩風花百
處飛。方外殊因朋愛渥。留連窮日共忘機。

寄懷備前督學藤子業

相望孤雲天一涯。東藩猶自誦聲華。懸知瓊樹迎春
茂。久訝寶笈經歲遐。文老未還景陽錦。詩清尚散謝
家霞。交情如得琅玕贈。海曲逢人到處誇。

先是米澤興讓館諸賢有贈詩業已和荅重賦

此寄懷神保先生

數顆明珠驚暗投。文章爾雅盡名流。士林各負青雲
望。草莽寧將白雪鬪。詩律中原今一變。歌風海表自

千秋。何當能縮論心地。把臂同凭百尺樓。

南山偶興

城南樹色古祇林。半俯間閣半倚岑。梵訝魚山空際
響。人猶廬岳社中心。當晴市井蒼煙合。隔暑僧寮白
日深。列嶂夏雲一川水。清暉相對澹幽襟。

松島阻風

涼天倚棹古松洲。慘澹空江生晚愁。潮氣低昂漁子
宅。風威撼盪賈人舟。非將騷興弔湘魄。還為吟魂畏
石尤。蓬外喧豗蓬內寐。隔波遙望酒家樓。

聞前大夫芝田君會耆舊於其宅賦以為壽

林泉引興早懸車。老去君恩賜逸居。肩上將垂鶴樣
髮。燈前猶寫蠅頭書。雄談奮發風生席。瑞氣氤氳春
滿廬。遙思蒼顏者英會。階庭玉樹映扶疏。

赤壁泛舟圖

勝事蒼茫勝迹存。畫中秋色似仙源。賦傳壬戌人千
古。天老斗牛月一痕。身世祇應隨桂楫。盈虛漫自問
乾樽。南飛烏鵲東流水。感殺英雄醉後魂。

送僧歸金華山

一乘勝踐惜離群。海上名山黛色分。樹影輪囷偃潮
氣。金華錯落映天文。銅餅腥帶龍邊水。鐵磬寒生鳥

外雲。白月焚香繙寶典。靈風時有岳神聞。

寄懷長眉澤丈人

青山綠樹鎖嵯峨。歲月懷人鬢易皤。老去詩情尚應
壯。興來意氣向誰多。煉成勾漏丹砂色。唱斷齊門白
石歌。若望仙臺憶真侶。琅玕一寄舊煙蘿。

送教禪人歸鄉

平生心事未全肅。鄉信促歸難可留。來去慣經幾僧
別。從遊偏惜五辛秋。山程霜露須添服。水驛風波好
慎舟。此地再逢將有日。白雲黃鶴莫悠悠。

和龍潭先生見寄

南山外集 卷之三 六 蘇山外集

方外嘉音久不聞。隔橋寒景一溪分。傳書蓮社歌難和。卧病柴桑酒尚醺。林徑踈煙梅信近。山城澹日雪華紛。懸知起色推高枕。暖動南郊至後雲。

平土歲晚北山集同賦寄滕子業
亘城歸去近何如。抗跡遙知樂逸居。學劍寧論一人敵。攻文欲讀十年書。交情歲暮周旋地。詩興春歸雨雪餘。此日同遊君獨遠。鶯花早晚命巾車。

遣興

一塢煙蘿千尺松。孤龕岑寂養禪容。祇林花氣衆香國。紺苑霞暉群玉峰。世上陽秋無董筆。山中雲壑有

堯封。銅餅時汲茗泉水。澆盡人間磊塊育。

首夏集靜山堂賦示主人

徒爾花時過。索居方忻折簡及林閭。交情相命形骸外。晤賞同承顧眄餘。積雨山門芳漸歇。薰風官舍綠初舒。知君武庫才無盡。匣裏寶刀床上書。

夏日喜國濱二子至

寥寥門巷綠雲圍。有客相携敲晚扉。契濶三春夢空過。逢迎半日興方飛。階前深蘚堪閒卧。窗外嬾蕉供亂揮。莫道伏陰愆變理。林丘元自隔炎輝。

橋南避暑

溽暑何邊避。暴秦炎方瘴。海似為鄰。多時難了清涼。願此日初離熱惱身。橋下水光分白石。湖心風露轉青蘋。回頭遙指勞生地。鬱勃城中十丈塵。

夏日喜諸子至
偶爾新晴當社期。客來先就手譚池。溪山繚繞忘炎節。竹樹陰森疑暮時。湘簟水風露古研。松櫺峰影落殘棋。不將仙興傳人世。只許閒雲野鶴知。

田伯休有亡兒墓下作和韻寄慰
青山埋玉鎖蒼煙。霜露知君幾愴然。浮世花飛黃壤閱。帝鄉人去白雲懸。已聞羸博還封日。且學東門割

愛年。瓊樹猶存歲寒色。階庭應見一枝鮮。

遊宮城野值雨

平原十里躡斜陽。膻膻樂郊迴望長。竟野風煙迷夕徑。黏天秔稻接秋陽。蛩吟莎草難移步。露滴菽花欲浣裳。行到王孫呼蓋地。深村夜暗雨聲忙。

贈賣松人

千章蒼翠倚崢嶸。分得數株鬻市城。帶露幽姿三尺重。凌雲逸勢一擔橫。還將萬壑風霜色。欲換六街桃李情。多爾起予歲寒意。春朝厭聽賣花聲。

宿增田驛某氏宅

郊天十里澹秋陰。驛館投時日已沈。敬愛依然文墨
興。淹留不厭主賓心。風塵地接輪蹄巷。來往客操南
北音。永夜張燈共忘寢。晨窗卧聽雨聲深。
和木好問

遊松島

松洲勝槩屬閑身。一度登臨一度新。朝暮堪窮天地
變。江山幾閱古今人。雲濤萬里應無國。雞犬孤村似

避秦。自笑留連勞矚眺。欲移幽跡此為鄰。

遊序倉大夫幽風亭

余為扁其亭

方外逢迎道自存。城西煙樹問名園。蒼生欲起東山
卧。緇客何妨北海樽。稊稻登場秋社過。雲霞圍郭夕
陰昏。誰言從政懸車後。一片丹心奉主恩。

登白石城贈主人

山川繚繞擁高城。道接仙臺地氣晴。百尺巖譙臨壑
聳。千重蒼翠逼欄清。會文應就大夫賦。講射時看君
子爭。方外自知踈禮法。升堂為說野人情。

君夫人挽詞二首

蘇山外集 卷之三 蘇山外集

曾自上台傳好音。秦樓歲月和鳴深。群臣纔喜熊羆
夢。舉國初知聖善心。玉宇光儀恍尚在。瑤臺仙跡杳
難尋。蘭芽長見存遺愛。一世悲歡成古今。
寶婺光沈仰絳霄。重陰千里轉蕭條。南薰風慘羅紈
冷。東海雲愁輶輅遙。爭說蘋蘩長奉祀。誰知翟芾不
堪朝。人間難問仙臺路。要眇芳魂何處招。

老侯挽詞

雄藩玉帛奉王猷。曾謝主盟營菟裘。聞說藻篇忘歲
月。何圖薤露變風流。中原舊與衣裳會。南郭今安窀
穸幽。海表牛山他日淚。萬人齊感爽鳩遊。

五日書

時有

老侯及君夫人之喪

山城空翠擁柴扉。節物關心樂事違。日淡階庭榴藥
淺。風寒來往葛衣稀。人間彩縷多虛誕。海上黃金終
是非。莫道獨醒殊衆醉。楚江愁色共依依。

南山外集卷之三

南山外集卷之四
三
...

南山外集卷之四


仙臺 釋古梁 紹岷著 侍者 慧璘 錄

寄南部東水禪師

花盡幽棲過客疎。已看繁綠擁林間。石樓微月聽猿
後。山廓冥陰賦鵬餘。湖海交情深契濶。古今懷抱老
居諸。關河東去人千里。遙憶蓬蒿滿著書。

讀義臣傳

飛霜一夜擊燕臺。烈士英風動上台。早識孤城吞恨
出。便聞甲第復讎回。銜枚冤氣星辰暗。推刃忠心金



石開逸史空存義臣傳。千秋留待馬遷才。

山房讀書圖

負郭山園樹色偏。棲遲轉想古人賢。浮雲欲草遺榮

賦。叢桂誰歌招隱篇。一壑清風飄細袂。半窗殘日照

青甃。自拚玩愒慢終歲。寧問金門待詔年。

過泰心院示主人

祇樹春雲隔市聲。禪餘幽賞喜逢迎。五湖煙月宣遊

後。一榻風騷款晤情。俱對茗甌愛良夜。不知蓮漏下

初更。妙猷元自歸機用。叢社長期尋法盟。

和滕冲卿見寄懷

春暖晴窗樹影重。遙思吏隱獨從容。聞鶯應下花間
榻。愛客時延方外蹤。歌罷不彈齊舍錢。醉來寧問席
溪鐘。遲君他日幽尋地。別有雲巖落落松。

宿瑞巖寺

江山岑寂擁香臺。玉堦華幢映岸開。日落層巖風兕

吼。雲低絕壑雨龍回。傳心不昧然燈色。喻法深知捨

棧才。玄賞元應鄰寶所。暫依化壘此徘徊。

和佐藤大夫見贈之韻

相迎一笑坐雲巖。不二何曾在默緘。膩草長時嫌塵


過。曇華落處任禽銜。歸休猶佩芙蓉劍。幽討試探貝

葉函談到真詮無別事。前峯白月上高彩。倚危
臨空寄鹽竈。祝官源子章。曾立翠巖。相草尋和
鹽浦神宮肅古丘。江山顯敞對孤樓。飛檐晴落金華
色。半壁寒生碧海流。奕葉禮祠從望秩。千年文獻徵
春秋。傳聞源相遙摹擬。勝槩羨君供卧遊。
西山走筆次木君裕韻。平對初開日。紫氣東風
可憐同調亦同時。千載風流一遇奇。傾蓋直須呈故
態。揮毫已見富新詩。踈慵自愧當英邁。拙速誰知勝
巧遲。落筆龍蛇之飄逸。寥寥小技愧君知。
乙卯九日

落木蕭蕭促歲華。佳辰何客不思家。天涯身迹三年
夢。郊外風霜九日花。眷節窮秋歌蟋蟀。懷人薄暮對
薰葭。登高寧趁壺觴伴。獨倚幽窗眺晚霞。
送席斑上人遊金華山

岳色春晴生紫煙。壯君風馭忽冷然。波濤不隔凌雲
錫。金石何論擲地篇。興至盃盃滄絳雪。詩成咳唾吐
青蓮。遙知絕壁揮毫處。急雨蒼茫暗海天。
席斑上人還自金華時余卧病聞說其勝率爾

春盡園林新綠鮮。懶鶯猶嘯落花前。道人携至煙霞



柴門蘿徑雨痕乾。睡起窗櫺午色殘。野性常憐松偃
蹇。山童時報竹平安。初裝欲製新荷服。盃盞未收秋
菊餐。自愧住山機不密。客來慣盡主賓歡。山裏
和希斑上人秋興韻
鳥定叢林夜寂寂。熒熒月露滿堂前。推窗巖桂秋香
散。移榻庭松晴影鮮。人靜迷蛾集燈暈。更深寶鴨斂
爐煙。知君此夕南屏夢。一錫已飛三越天。

與國元穆約山行雨不果因有此寄
問奇何客款玄關。秋雨東林絕陟攀。泥濘已違游前
劣。溪泉空自聽潺湲。老來應覺滄洲趣。興至寧知世
路難。好是東籬佳節近。且須采菊對南山。

寄源太素

青山竹樹隔逢迎。索處蕭然別後情。方外會期多雨
色。世間時序自秋聲。東籬節近寒芳動。南岳雲飛晚
翠清。孤榻空懸賞心地。何當快晤慰平生。
嗟爾追遊喪妙年。年回人去轉堪憐。精靈一旦歸寒
廓。心事九原終杳然。芳草池塘他日夢。悲風萍水幾
生緣。蒼茫真理彭殤跡。且掩南華第二篇。

寄陰文熙

一向青山寄此生。索居春至感嚶鳴。交游落落晨星
色。心事蕭蕭舊雨情。江海只應耽汗漫。文章想見醉
縱橫。斷鴻飛盡雲霄遠。尺素何緣問故盟。風英水
送齊栗卿之米澤南屏把袂送君還。春盡啼鶯響碧山。朝霧將迷篠簳
谷。薰風遙度有無關。枕中鴻寶淮王術。肘後竒方弘
景顏。賦別且欣良晤近。仙臺曉月落刀環。山
木元泰諸子過山堂雅興竟日歸後有詩見謝
因次其韻却寄
佳携憶昨喜逢迎。尺素慙慙謝舊情。未徹坐中詩客

榻。題餘壁上酒徒名。諸天人去花無色。孤屋機閑雪
有聲。別後如思蓮社興。高懷重賦鹿門行。

東都木文熙將至賦此待之
文熙以畫為業

風雨連朝暗翠微。新晴春色正芳菲。佳期偶報都門
客。雅賞將敲負郭扉。階草應迎詩草映。林花欲待筆
花飛。溪橋殘日楚音遠。或恐山窗昨夢非。

外悼長眉丈人
龐眉老去號遺民。方外交游跡忽陳。經藝傳家能有
子。英才育士豈無人。何知白社投詩日。即是高堂易
簣辰。為勒生前身後事。先揮雙淚灑蒼珉。

詩山外集 卷之四 翠洲山房

寄題宮床公子清音樓
百尺高樓對翠峯。遠樓林壑自清音。紆餘幽迳秋容
靜。歷落層巒暮色深。賦詠乘閒堪美筆。壺觴引客好
披襟。卧遊還晒少文興。何翅眾山答素琴。

寄勳法弟
一去江湖十載過。還鄉高興近如何。九州探勝名區
盡。上國論文真侶多。鴻雁新年書契濶。弟兄舊事夢
蹉跎。寥寥絕韻無同調。唱斷千秋白雪歌。

聞訃
懷抱三秋鬱不開。悽然霜路夢南陔。悲鳴斷雁書千

里。艱難孤身腸九回。天上雨華期至樂。人間風樹動
餘哀。淚痕欲染袈裟色。却愧斑斕似老萊。
山園水抱小香樓。涉遍林溪南北幽。門外葑田無井
稅。庵前藥圃有常收。浮名於世多他事。畸跡投閒百
自由。鶯倦花飛春冉冉。眼中徂景過優游。
壽白河源相公五十初度
甲第清華切上台。高堂瑞氣綺筵開。聖朝併享天人
爵。仙掌兼分沆瀣杯。壽色南山彩霞近。歌聲東海大
風回。進君方外延年訣。試問毘耶長者才。

詩山外集 卷之四 翠洲山房 七 翠洲山房

秋興 辛未
爽氣蕭然生桂叢。南屏山色白雲中。秋分雜佩芙蓉
雨。涼襲初衣薜荔風。附驥攀龍各零落。彫蟲吐鳳謾
英雄。回頭寤寐莫論文。地獨坐長吟送暮鴻。

自由遊某氏琵琶橋別業中
聞說素封居上頭。雄藩賜地卜清幽。門通車馬南東
陌。檐對溪山十二樓。涼掠楸枰碁勢競。雲飄綺席華
華流。愧吾平昔煙霞賞。翻就名園寄勝遊。

宮城野鈴蟲其音清亮異他產每秋候貢諸東
都有人籠十數隻以贈焉因賦紀之
鈴蟲或為金鐘兒或

為月鈴兒率係俗呼終不如鈴蟲之簡而當也

官野鈴蟲世所求。故人携贈貢餘秋。一籠商吹閑愈
徹。兩部金鐘夜不收。啼向涼霄思舊雨。聽垂清曉慙
今愁。何堪幽怨終宵訴。明發將歸豐草頭。

秋日遊聚遠閣
片倉大 夫別莊

名園暇日伴逍遙。極目欄干俯沈寥。平楚蒼茫布秋
色。連山陸續赴晴潮。賦成恰好邀騷客。政簡何妨引
醉僚。昨雨乾坤渾一洗。爽懷待月上清霄。

秋日偶作

報道涼霄河漢流。感時欲攬白雲裘。蒼茫歲月餘今

雨縹緲江湖散舊游。豪罷高樓誰百尺。裁來枯翰且
千秋。孫鴻冥色無人問。一點閑燈取上頭。

辛未九月諸子至同賦

南溪紅樹映新晴。數子躋攀倚梵城。千古風騷歸屈
宋。三秋搖落喜逢迎。寒花不負佳辰色。亂葉偏驚遲
暮情。高興由來猶有限。且憑談笑慰平生。

遣興

散地結廬稱主人。煙霞公道未全貧。素琴緇袞同龕
侶。明月清風入幕賓。鳥語已吹窮谷律。梅香猶隱奧
溪春。世間若問山中富。一味幽閑抵八珍。

蝦夷國泰寺主有詩見寄不報久之今春有鎮

臺之便遽賦和謝

曾承恩旨向窮邊。官剎新開講法筵。絕塞春回迎慧

日。群夷時至戴皇天。戒香薰徹氈毼月。寶杖點開沙

漠煙。自愧筆端乏光燄。敢言般若助嘉緣。

寺主改刺般若理趣

文屬余

遊春

雪消沙岸水粼粼。負郭晴光漸可人。興到遊期正謀
野。吟行到處欲迷津。柳迎陶令歸來晚。花笑劉郎去
後春。南垞西莊日邀約。自誇陋跡足芳鄰。

南山外集 卷之四

早春偶成

春淺山房猶寂然。林丘無物卜芳年。笙簧早晚出幽谷。鬪沸方纔聽檻泉。虛室常生莊叟白。閑亭獨草子雲玄。何須駘蕩風光遍。萬事無如未滿前。

米澤大貫世美蓋狂狷士也壬申仲春特來詩以為贄自言既窮覽西南國將又極東北邊余壯其志次韻贊之

雲樹空門鎖早春。登音忽響寂寥濱。耽閑長掃風塵跡。愛勝偶迎湖海人。相遇衿懷方卓落。乃知經藝本紛綸。大邦他日倦游後。應見文章壯志伸。

擬孫一元春晚歸南屏草堂之作

野袍春暖賦歸田。斷送鶯花又一年。草莽殘軀從獨往。清平餘澤賜甘眠。詩慚千里江山助。身結三生水竹緣。林下澗濱堪自老。任他人喚作癡禪。

夏夜泛月

輕風挂席溯清虛。兩岸煙波良夜初。高興月來迴櫂處。浩歌涼動扣舷餘。芰荷香外追淵客。鷗鷺夢邊驚宿漁。坐卧不知人海險。滿天冷露尚容與。

偶感

靈樞一夜歸梵闥。山門日夜會羣臣。磬鐘激越振衆

南山外集 卷之四 十 翠羽山鷗

壑車馬駢闐溢四鄰。靜躁誰言皆佛事。拮据難柰逼
人身。萬營有限終閑寂。暮雨幽窗坐舊茵。

賀中邨大夫致仕

三表乞閑辭大名。東郊卜宅樂殘生。兒孫且惜懸車
色。賓客偏思入幕情。社稷從來存重寄。林泉猶自有
餘榮。不知軒冕飛騰地。孰與北窗風月清。

暮春

芳事闌珊樹色深。竭來山院養禪心。落花流水三春
盡。杜宇行雲萬壑陰。幽石掃苔供宴坐。空階敲竹助
孤吟。清閑即是長生訣。白髮塵緣莫浪侵。

入東都

十七年前客海隅。西征再此入雄都。依然城郭增佳
麗。無恙江山環畫圖。春日盪霞潮勢壯。晴雲捧雪岳
蓮孤。且尋舊友市南宅。子弟相逢驚白鬚。

踰玉函山

雲中巘路苦冥行。阪障攀來不記程。日色半歸殘雨
色。人聲近荅駭泉聲。羊腸幾客迷青靄。鸞馭誰能朝
紫清。關吏何勞故相問。身非前度棄繻生。

桶峽弔古

駿張戎馬若雲屯。鳴海童謠懸識存。寧識英雄乘勝

罷乍聞興廢即時翻。三春風雨戰龍野。十里蒹葭逐
鹿原。欲問當年旗鼓跡。古碑半蝕舊苔痕。

舟自勢多至大津

縹緲烟波盪麗譙。孤城臨水勢峩嶢。山光表裏高低
樹。虹影雌雄長短橋。飛鷁貪程間渡近。使軺擁傳驛
亭鴛。披襟今日積愁散。回首方知客路遙。

小御所還朝口號

早隨仙仗候朝儀。紫禁深沈玉漏稀。合殿香煙遙馥
郁。中庭雨色正霏微。偏慚野裊追鴛列。遠自山門趨
鳳闈。對來御當機無一語。簾前賜坐謝恩歸。

巖島

天闢名區歷淼茫。巖宮宛在水中央。爐煙半帶蛟龍
氣。燈火全連星斗光。朝典千年奉明祀。公評振古冠
靈場。潮來時訝神之格。仙珮珊珊下畫廊。

秋日諸大夫見訪席上賦謝

聯鑣偶訪古香場。政簡羔裘引興長。有待山門懸霽
色。無塵巖樹曝秋陽。從容聊趁羣機暇。灑掃何妨三
日忙。散帶只須寬禮法。明朝接武在朝堂。

夏日村居

葱然夏木覆炎暉。門外黃牛暮笛歸。村犬歡迎丈人

杖野螢。退入去僧衣。麥涼風送通深巷。草氣露浮連矮扉。憶得南山摩詰宅。詩情畫景兩依依。

南山庵雜詠五首

茅齋新築對林塘。百頃小湖縈短牆。徧性時時臨局縵。閒身稍稍向花忙。樵帆近傍柴門卸。獵火夜穿松徑行。未免隨緣愛幽事。愧他欣厭兩相忘。

幽跡祇應麋鹿群。遁居喧寂一溪分。鑿池殊印斬新月。考室偶迎千古雲。奇石纔移添竹勢。蒼苔漸厚益山文。半生疎業成何事。好削頑珉勒懶勳。

曾分野水寄浮沲。更縛雲棚擬繫匏。增道隨緣脩聖

默。損生移疾謝癡交。文章猶愛山雞影。性相謾爭林

鵲巢。鑿築誰言事高尚。篔門只恐貴游敲。

溪上閑人鷗不如。世塵兼與故交疎。半隄剩水漢機

外。十畝閒田虞訟餘。鋤斷白雲種筍竹。醞分碧澗養

羹蔬。布融境至何相碍。白誄赤謾任毀譽。謂白誄赤謾

凌雲杖折罷於髀。閑地卜幽不問靈。題偈林中無石

裂。誦經木末有猿聽。月為畏友照心白。山是故人對

眼青。一病信堪鞭末路。十旬安忍正惺惺。

次韻米藩學士湯子琴

邈矣河山濟勝年。彩毫辜負遠遊篇。詩傳千里文華

國望斷孤樓杜宇天。曠達應迎青眼侶。逍遙不繫白
蓮綵。何時命榻長松下。棕扇談禪颺茗煙。

首夏

柳絮狂風鶯亂鳴。綠庭院院不勝清。草深幽徑呼童
蒹。客至衡門率鶴迎。嬾筍日添窗上影。新荷未著雨
中聲。此生心事惟閑賞。自有青山非世情。

中秋諸子至同賦

山城霖雨日淒淒。此夕新晴客正携。倚閣微雲收玉
宇。鈞簾顚氣滿幽栖。一叢丹桂秋無恙。十里金波夜
不迷。自愧老懷乏才調。仍邀詩彥月中題。

九日

佳辰有客扣香城。攀去江山小閣晴。何直風流弄時
物。更因搖落感秋聲。金飈玉露孤衿冷。絳葉黃花雙
眼明。不用登高勞跋涉。上方揮麈坐崢嶸。

春日偶作

雨晴春色散平蕪。薄暮鈞簾俯畫圖。香閣人歸新月
至。青山雁度斷雲孤。文章肯享千金帚。身世漫容五
石菰。幽事更存欣賞趣。詩成獨自倚高梧。

巖沼遊西海翁舊隱

壯興留連尚未還。巖城絕頂俯郊關。隈河春浪晴雲

外白石寒峯殘雪間。別業曾營菟裘地。幽莊兼占陸
渾閑。登高能賦非吾事。且想隱君聊解顏。

芳歌

芳歌田園夏事新。青山無復問花人。中天虛閣雲居
半。五月深林雨涉旬。槁木嗒焉仍隱几。死灰冷處且
前薪。晚來望斷滄江色。遠思寥寥對綠蘋。

夏日偶作

小閣迎涼無客來。碧腴淪得雨三杯。簷牙雀鬪桐花
落。池面魚翻荷葉開。煉句何須琢冰雪。奉身自分老
蒿萊。欄干日暮冷然善。未必雄風在楚臺。

霖雨五首并序

雲山上人有霖雨十偈。屬余和之。余展觀之
詩。更因一洗彫繪之俗。尚標揭真乘之逸趣。蓋永明
入關後。石屋之餘韻也。因憶朱明已降。從事風騷者
外典實趨浮麗。留連光景。往而忘返。流弊浸
淫叢社。雖耆緇宿衲。往往尸祝滄溟。憲章弁
豸。其觀宋元諸大老之作。徒譏其不韻。束諸
梁柙耳。噫嘻。夫如此古道顏色。何由見之邪。
及讀此編。實語超詣。如棒打石人。無復縉紳
氣習。可謂真林下之作矣。時會霖雨乍霽。徂

暑薰赫拙和不就緒頃屬秋霖累旬百爾多
暇再讀前編重復道腴因不自揆衍原什而
增其韻聊陳拙踐以接光誦乎爾

連旬雲霧鬱難開長雷泚泚浸草萊竈裏產蛙非所
苦禾頭生耳信堪哀雷公電母陽烏蟄鬼馭神鞭陰
帝回燮理須還他鼉鼎閑窗呼枕日台臺
人閑好雨亦要晴多趁眼前色與聲自喜輪蹄稀輾
輾更因泥濘免逢迎風排斗帳香煙散雲擁低檐空
翠生好是道芽靜中長性天顏色轉明明
郭南煙樹迴濛濛杖履空違世上蹤為是雲陰連晦

朔不知日月涉秋冬健添藥餌勝早溼道分癡鈍策
拙慵得喪由來似晴雨兩頭坐斷振真宗
滿溪秋水滿山雲檐滴了東坐卧聞拙裏工夫納百
綴貧中受用麻三斤古廚薪溼炊煙冷仄徑石橫行
潦分何事天公摸稜手兩端陰霽轉紛紜
霖雨添閑閑更多柴門唱罷子桑歌飄蕭半向塔標
斷散漫時從戶隙過檻下泉聲歸寂聽毫端山色入
幽哦若非天外觀靈曜冥暗何開舊索訶

雪後偶興
言早知必無燕

獨登香閣俯平蕪暮景蕭蕭歲月徂積雪空山人偃

卧寒雲極浦雁哀呼。踈慵未蠟尋梅屐。驟興空懸訪
戴圖。只有癡童喜春近。謾言早晚及屠蘇。
送教禪人歸鄉。千里鄉心難可停。振錫聊探東海
水。移文豈管北山靈。翻雲覆雨周旋地。韞柳嬌花長
短亭。相送不勝瞻望意。歸鴻聲外數峯青。

送滕玄仙再遊東都。聚散平生不甚嗟。可堪今日是天涯。鶯邊曉色芳郊
酒。馬上春風何處花。而尔男兒千古業。孤飛黃鵠半
霄霞。待君經藝與方術。呼作仙臺仁壽家。

訪田先生村居

春郊南折入深村。沃若田疇過雨痕。數畝菜花諸葛
圃。一林杏樹董仙門。烏巾白舫皆幽事。藥理農譚多
至言。信宿今朝上歸路。來時桃李半飛翻。

雙松館集

憶昨君家踏雪來。三春荏苒夏光催。客稀幽徑苔無
跡。雨過閑庭標有梅。座上風流書畫興。天涯心事別
離盃。醉餘何管歸途遠。伊軋柴輿載夢回。

和鼎東都林先生

勝踪曾滯古香臺。分手音塵兩濶哉。舊社交游留賦

別新秋風雨寄書來。孤吟自愧紅樓集。高興誰翫綠
酒杯。松島煙波再逢約。待君彩筆倚雲裁。

江樓雪意

城北寒光襲綺疏。賓游置酒俯江閣。窮陰黯淡山容
瘦。殘景蕭條野勢虛。簡授梁園先集處。歌翻郢裏欲
飛初。妍懷或恐鄰枚侶。祕思紛紛不暇攄。

偶興

世事紛紛過便休。城中林下不曾侔。山僧獨倚看雲
閣。街吏爭登候火樓。經眼利名蕉鹿夢。惱春雨雪杞
人憂。風流造化如存意。莫使鶯花負白頭。

壽叅政紀公七十

昇平天地氣烝然。純粹冲融鍾國賢。夙夜匪躬還矍
鑠。芝蘭濟美轉聯翩。雲霄長接衣冠色。草莽猶懷土
木禪。不是區區獻私壽。邦家偕祝萬斯年。

試毫

南郊晴雪照辛華。香閣再開溪水涯。草樹有光新院
落。江山無恙舊煙霞。不妨身跡貧恬澹。獨笑文章老
屈牙。人報墨池春色動。狂來漫自試龍蛇。

登佳景閣

海嶽晴開一矚中。名藩勝槩蔚葱葱。飛軒徙倚臨無

地鳥道邈迤出半空。浪撼金華洶涌外。雲低松島沉
寒東。自疑千里青霄眼。獨在琅耶臺上窮。

閑適

竹塢茅堂寂漠濱。眼前無物負閑身。白雲明月同龕
侶。澗水松風入幕賓。玄理任他齊指馬。素明元自絕
踈親。一瓢醉動龍蛇興。敢道老來筆有神。

移居

谷口煙蘿擁草廬。新移遁跡似田居。尋常容膝經營
外。凡百隨身受用餘。輦水僮斟苔澗近。愛山僧縛竹
籬疏。從來出處無差別。敢學風騷賦遂初。

暮春偶書

春事闌珊心事差。幽居恰適倚山家。園林猶有圓吭
鳥。風雨曾無強項花。謾興紛綸歸短詠。老年晼晚過
長嗟。孤懷相顧都寥落。獨倚巖屏數宿鴉。

寄樺公禮

懸知都邑物華新。官舍晴臨赤水濱。教育應容狂簡
客。交游寧問考槃人。十年書劍青雲地。一卧煙霞白
社春。為是聲名傳海表。風流恍想接清塵。

賀濱田子恭新居

傲吏公門罷陸沈。城頭隱跡淺而深。逃名初卜墻東

南川外集 卷之四
宅乞骨未除冀北心。抱甕春催丈人圃。開樽時會衆
賢林。君恩廕子新通籍。退食問安慰老襟。

琢雪聲

疎疎密密灑香城。微霰先知集暗榮。百界蕭條群動
息。孤林浙瀝細音生。幽蘭曲斷存遺愛。黃竹歌沈感
古情。高唱別聞螿塵曉。瓊華驚散蓋天聲。

輓故叅政堀田紀公

雄藩公於今名優。德業今猶思故侯。曾錫專城顯不
績。更將補闕翊徽猷。交游不隔千餘里。風月相酬五
十秋。留贈殊存道袍色。深欽遺愛及林丘。

平時賴佐野雪宿圖

國士沈淪人不知。微行有客問茅茨。歡情夜熟黃梁
飯。暖氣春回白雪枝。一騎紅塵趨難日。三章朱墨拜
恩時。貴遊何辨勞民事。對酒徒歌散樂詞。

擬送人從軍朝鮮

橫海艨艟畫戟森。不庭遙討外臣心。波平鷺鶴軍聲
肅。天暗欃槍殺氣陰。窮壘望風迎鷁首。降旗指日出
雞林。須知幕府臨肥水。千里祥氛待捷音。

自詒

器界紛綸百戰場。真垂世態共低昂。過風流水無事

